

七修支谱序二

纂史修志，可以鉴古今，明治乱，察兴衰也。开天迄今，邦国莫不有史。然则，水有源头，木有根本，万物之灵，岂无宗祖？是以族谱之修，何可废弃！

族谱者，申孝悌，正伦常，识亲疏，联族谊也。亦齐家治国平天下之道。中国五千年文明史，所以流传不衰，其有助于伦理道德之维系，家规族约之教育也，明矣。

同族聚居，亲疏长幼易分，分支派系易辨。若有乱人伦，逆宗纪，忤父母、坏风俗者，人人得以宗纪家法约束之，诛伐之。然星移物换，丁口蕃衍，或受政令于外省，或行商贾于他乡，或谋生计于异域……一代淡焉，两代忘焉，长幼遇若途人，祖孙视同秦越。喜庆不贺，忧丧莫吊，忤逆乱伦而不知惩，良可叹也。

欧阳氏祖出轩辕，乃禹之苗裔，越王勾践之子孙。其分衍于吴楚者，历四千余年矣文治武功，赫然载于史册永垂不朽者代不乏人，前牒有录，恕不列举。至若源流世次，出脉来龙，老谱甚详，亦不赘述。洎自顺治登龙，康熙、雍正而下，散居于益邑者，丁繁户盛、棋布

星罗。乾隆四年己未，始由洪昌、正礼两公荟堂、宏、戊三宗之裔合而谱焉。其后续谱，分合不一。至民国八年，我蛇头山六修族谱竣事，迄今八十年矣。其间经军阀混战，抗日战争，解放战争，尤甚者十年“浩劫”。社会由乱而治，由治而乱，治乱相承，沧桑多变。谱无完册，史无查考。家风几乎荡尽，族谊何由而敦哉！

当今承平日久。无饥馑之虞，绝战争之苦。国是维新，群情高涨。社会发展，经济腾飞；极目神州，殊深快慰。全国人民脱贫致富，大步小康。正以全新姿态，昂首挺胸迈向新世纪。举族嗣孙莫不与全民一道立于中兴大业之前列，务工农，业商学，事科研，从党政……径奔美好未来。谚云：“衣食足，礼义兴”，追远之心油然而生。若不乘此东风以续修谱牒，倘再迁延时日，则生娶卒葬恐难考究查核矣。

况且，眼下人心不古，好逸恶劳之心日长，纵国法常申，乡规屡约，然逾墙洞壁，拦路抢劫，兄弟成仇，父母不养……道德以败人伦，损文明而乱社稷，为数虽寡，害莫甚焉。此与家谱失修，宗纪不立，国法之鞭长莫及未免有因。故要教化人民，整顿社稷，促进社会治安，纂修族谱以加强综合治理，将大有裨益于家国也。

故敬宗收族，可以立宗纪，严家教，彰祖德以振家

风，联胞谊而清流脉，乃子孙同愿，众望同归也。族中诸老，念先泽之犹存，虑子孙之失序。倡议七修支谱以申孝悌之义，慰列宗祖在天之灵。各房殷实解囊资助，贤达嗣孙，力襄盛举。任事诸公皆废寝忘餐促工程完竣。是以不再寒暑，付梓葺事。由是本源溯而世系明；人文核而昭穆序。细派支流各归其宗。愿今后强毋欺弱，富不忘贫，亲疏敦睦，同德同心；人文蔚起，若星辰之灿于天，家族繁荣，似江河之行于地。促进社会文明，建立中兴业绩。故乐为是序以弁其端云。

四十二派嗣孙长棋号浚明敬识
公元一九九八年岁次戊寅秋八月